

## სახელმწიფო შესყიდვის განხორციელების შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვის შესახებ ხელშეკრულების პროექტს, რომელიც დაიდება ერთეულოვანი ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თან დართული ექნება ხელშეკრულებას, როგორც მი სი განუყოფელი ნაწილი.

ქ. თბილისი

2022 წლის \_\_\_\_

ხელშეკრულების დამდები მხარეები ერთის მხრივ სსიპ სოხუმის სახელმწიფო უნივერსიტეტი (შემდგომში „შემსყიდველი“) წარმოდგენილი ადმინისტრაციის ხელმძღვანელის ნინო თოფურიძის სახით და მეორეს მხრივ, \_\_\_\_\_ (შემდგომში „მიმწოდებელი“) წარმოდგენილი მისი დირექტორის \_\_\_\_\_ სახით, საქართველოს კანონის „სახელმწიფო შესყიდვის შესახებ“ და პრეტენდენტის (მისი დასახელება) სატენდერო წინადადების საფუძველზე, რომელიც თანდართული ექნება ხელშეკრულებას როგორც მისი განუყოფელი ნაწილი ერთეულოვანი ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე: შემსყიდველმა ჩაატარა ერთეულოვანი ელექტრონული ტენდერი (SPA-----) სსიპ სოხუმის სახელმწიფო უნივერსიტეტის 2022 წლის სახელმწიფო შესყიდვის გეგმის თანახმად, სსიპ სოხუმის სახელმწიფო უნივერსიტეტის სამართლისა და დიპლომატიის ფაკულტეტის ასოც. პროფესორის პეტრე დაუთაშვილის 2022 წლის 12 ივლისის N 15/02-967 მოხს. ბარათის თანახმად, ნაშრომების პოლიგრაფიული/სტამბური წესით ბეჭდვა/გამოსაცემად და მოწოდების უზრუნველსაყოფად „ბეჭდვა და მასთან დაკავშირებული მომსახურებების“ სახელმწიფო შესყიდვა (ერთგვაროვნების კოდი - 79800000) სახელმწიფო შესყიდვაზე, რომელშიც გამარჯვებულად მიჩნეულ იქნა მიმწოდებლის სატენდერო წინადადება და მიმწოდებელმა აიღო ვალდებულება მიაწოდოს შემსყიდველს წინამდებარე ხელშეკრულებით განსაზღვრული მომსახურება.

### 1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.

- 1.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.
- 1.6. „ფასების ცხრილი“ – სატენდერო დოკუმენტაციის ფასების ცხრილი - დანართი N1, რომელიც დაერთვება ხელშეკრულებას, როგორც მისი განუყოფელი ნაწილი.

#### 1. ხელშეკრულების საგანი

- 1.1. წინამდებარე ხელშეკრულების საგანს წარმოადგენს ამავე ხელშეკრულების საფუძველზე და ფასის ფარგლებში \_\_\_\_\_ლარი სსიპ სოხუმის სახელმწიფო უნივერსიტეტისათვის სამართლისა და დიპლომატიის ფაკულტეტის ასოც. პროფესორის პეტრე დაუთაშვილის 2022 წლის 12 ივლისის N 15/02-967 მოხს. ბარათი საფუძველზე, შრომების პოლიგრაფიული/სტამბური წესით ბეჭდვა/გამოსაცემა პოლიგრაფიული/სტამბური წესით ბეჭდვა/გამოსაცემად და მოწოდებისათვის „ბეჭდვა და მასთან დაკავშირებული მომსახურებების“ სახელმწიფო შესყიდვა კოდით CPV კოდი - 79800000.
- 1.2. ხელშეკრულებით გათვალისწინებული პირობები მოცემულია სატენდერო დოკუმენტაციაში, რომელიც დაერთვება წინამდებარე ხელშეკრულებას, როგორც მისი განუყოფელი ნაწილი.
- 1.3. პრეტენდენტის მიერ წარმოდგენილი სატენდერო წინადადება და სატენდერო წინადადებაზე თანდართული ყველა სხვა დოკუმენტი ქმნის მოცემულ ხელშეკრულებას და ითვლება მის განუყოფელ ნაწილად.
- 1.4. შესყიდვა ხორციელდება, სსიპ სოხუმის სახელმწიფო უნივერსიტეტის საკუთარი შემოსავლების ფარგლებში.

#### 2. ხელშეკრულების ჯამური ღირებულება

- 2.1. ხელშეკრულების ჯამური ღირებულება შეადგენს: \_\_\_\_\_ლარს.
- 2.2. ხელშეკრულების ჯამური ღირებულება საბოლოოა, მოიცავს პოლიგრაფიული მომსახურების სრულყოფილად შესრულებასა და ნაბეჭდი მასალის, შემსყიდველისათვის მიწოდებასთან დაკავშირებულ მიმწოდებლის ყველა ხარჯს მ.შ. საქართველოს კანონმდებლობით გათვალისწინებულ გადასახადებსა და მოსაკრებელს.
- 2.3. ხელშეკრულების მოქმედების ვადის ამოწურვის მომენტისათვის ხელშეკრულების ჯამური ღირებულებიდან გამოუმუშავებელი თანხა დარჩება „შემსყიდველთან“ და იგი არ წარმოშობს მხარეებს შორის რაიმე დამატებით ვალდებულებებს.

#### 3. შესყიდვის ობიექტის მოწოდების ვადები და ადგილი

- 3.1. პოლიგრაფიული მომსახურება და ნაბეჭდი მასალის, შემსყიდველისათვის მიწოდება უნდა განხორციელდეს ხელშეკრულების გაფორმებიდან 10 (ათი) სამუშაო დღის განმავლობაში, მიმწოდებლის ხარჯით.
- 3.2. ხელშეკრულებით გათვალისწინებული ღირებულებების შესრულების ადგილია ქ. თბილისი, ა. პოლიტკოვსკაიას ქ N61.
- 3.3. შემსყიდველი ვალდებულია, საჭირო მასალა მომწოდებელს მიაწოდოს ხელშეკრულების გაფორმებიდან 3 სამუშაო დღის ვადაში, ამავე ვადაში უნდა მოხდეს დიზაინზე შეთანხმება.

#### 4. მომსახურების ხარისხი და გარანტია

- 4.1. მიმწოდებელი იძლევა გარანტიას, რომ მიწოდებული შესყიდვის ობიექტი იქნება ხარისხიანი და სატენდერო პირობების შესაბამისი.

- 4.2. შესყიდვის ობიექტის ხარისხი უნდა შეესაბამებოდეს ამ სფეროში არსებულ სტანდარტებს და ტექნიკურ ნორმებს.
- 4.3. მიმწოდებელი ვალდებულია გადასცეს შემსყიდველს უფლებრივად და ნივთობრივად უნაკლო საქონელი.
- 4.4. მიმწოდებელი ვალდებულია უზრუნველყოს საქონლის ისეთი შეფუთვა, რომელიც დაიცავს მას დაზიანების ან გაფუჭებისაგან დანიშნულების ადგილამდე ტრანსპორტირების პროცესში.
- 4.5. მიმწოდებელი ვალდებულია შეტყობინების მიღებისთანავე განახორციელოს წუნდებული მომსახურების შეცვლა შემსყიდველის მხრიდან რაიმე დამატებითი დანახარჯის გაწევის გარეშე.

## 5. ანგარიშსწორების ფორმა და წესი

- 5.1. ანგარიშსწორება განხორციელდება უნაღდო ანგარიშსწორებით ეროვნულ ვალუტაში, ლარში.
- 5.2. მიმწოდებლის მიერ შემოთავაზებული ფასები უნდა იყოს საბოლოო და მოიცავდეს პოლიგრაფიული მომსახურების სრულყოფილად შესრულებასა და ნაბეჭდი მასალის, შემსყიდველისათვის მიწოდებასთან დაკავშირებულ მიმწოდებლის ყველა ხარჯს მ.შ. საქართველოს კანონმდებლობით გათვალისწინებულ გადასახადებსა და მოსაკრებელს. ხარჯები, რომლებიც არ აისახა სატენდერო წინადადების ფასში არ ითვალისწინება და არ ექვემდებარება ანაზღაურებას.
- 5.3. ანგარიშსწორება განხორციელდება ერთჯერადად, მთლიანად, ფაქტიურად მოწოდებული და მიმწოდებელთან ხელშეკრულების შესაბამისად გაფორმებული შესყიდვის ობიექტის, ბეჭდური პროდუქციის მიღება-ჩაბარების აქტის, ანგარიშ-ფაქტურ(ებ)ი და/ან სასაქონლო ზედნადებ(ებ)ის საფუძველზე, მოწოდებული საქონლის შესაბამისად, დოკუმენტაციის სრულყოფილი სახით წარმოდგენიდან 10 (ათი) სამუშაო დღის განმავლობაში.
- 5.4. წინასწარი ანგარიშსწორება (ავანსი) არ გამოიყენება.

## 6. ხელშეკრულების შესრულების კონტროლი

- 6.1. შემსყიდველი ახორციელებს პერიოდულ კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.
- 6.2. ამ მუხლის პირველი პუნქტით გათვალისწინებული კონტროლისა და ზედამხედველობის განმახორციელებელი პირ(ებ)ი შემსყიდველის მიერ განსაზღვრული იქნება ხელშეკრულების გაფორმების მომენტისათვის.
- 6.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.
- 6.4. ამ მუხლის არცერთი პუნქტი არ ათავისუფლებს მიმწოდებელს წინამდებარე ხელშეკრულებით განსაზღვრული სხვა ვალდებულებებისაგან.

## 7. მიღება-ჩაბარების წესი

- 7.1. ხელშეკრულებით გათვალისწინებული მომსახურება ჩაითვლება მიღებულად მას შემდეგ, რაც წარმოდგენილი იქნება სათანადოდ უფლებამოსილი პირების მიერ გაფორმებული

მიღება- ჩაბარების აქტ(ებ)ი, და მიმწოდებლის მიერ წარმოდგენილი იქნება შესაბამისი (ანგარიშ- ფაქტურ(ებ)ი და/ან სასაქონლო ზედნადებ(ებ)ი).

#### 8. ხელშეკრულების შეწყვეტა

- 8.1. შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება მომსახურების ხელშეკრულებით გათვალისწინებული ხარისხის მნიშვნელოვანი დარღვევის (გამოუსწორებელი ნაკლის, ან/და ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.
- 8.2. შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულების შესრულების შეუძლებლობის წერილობითი შეტყობინების შემდეგ თუ:
  - 8.2.1. ხელშეკრულებით გათვალისწინებულ ვადაში მიმწოდებელს არ შეუძლია მომსახურების სრულად ან ნაწილობრივ მიწოდება;
  - 8.2.2. მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;
  - 8.2.3. შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებებით ნაკისრი ვალდებულებების შესრულებას;
  - 8.2.4. მიმწოდებლის მიმართ დაიწყო გაკოტრების საქმის წარმოება;
  - 8.2.5. საქართველოს კანონმდებლობით გათვალისწინებულ სხვა შემთხვევებში.

#### 9. მხარეთა პასუხისმგებლობა და გარანტია

- 9.1. მომწოდებელი იძლევა გარანტიას, რომ შესრულებული პოლიგრაფიული მომსახურება იქნება ხარისხიანი, დროული და ტექნიკური დოკუმენტაციით განსაზღვრული პირობებისა და მოთხოვნების შესაბამისი;
- 9.2. მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობისთვის ან არაჯეროვნად შესრულებისთვის.
- 9.3. ხელშეკრულებით დადგენილ ვადებში სახელშეკრულებო ვალდებულების შეუსრულებლობის ან/და არაჯეროვნად შესრულების შემთხვევაში შემსყიდველი უფლებამოსილია დააკისროს მიმწოდებელს პირგასამტეხლო შეუსრულებელი ვალდებულების 0,02%-ის ოდენობით ყოველი ვადაგადაცილებული დღისათვის;
- 9.4. ხელშეკრულების ღირებულების გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლო შეუსრულებელი ვალდებულების 0,02%-ის ოდენობით ყოველი ვადაგადაცილებული დღისათვის;
- 9.5. მხარეებს უფლება აქვთ მოითხოვონ ხელშეკრულების შეუსრულებლობით ან/და არაჯეროვანი შესრულებით მიყენებული ზიანის ანაზღაურება საქართველოს კანონმდებლობით გათვალისწინებული წესით;
- 9.6. პირგასამტეხლოს გადახდა არ ათავისუფლებს მხარეებს ნაკისრი ვალდებულებების შესრულებისაგან;

- 9.7. მიმწოდებელი პასუხს აგებს მომსახურებასთან დაკავშირებული ყველა იმ გადასახადის, დაბეგვრის თანხის, მოსაკრებლების და სხვა გადასახდელების გადახდაზე, რომელთა გადარდა სავალდებულოა საქართველოში.
- 9.8. საგარანტიო ვადა, რომლის განმავლობაშიც მიმწოდებელი ვალდებულია საკუთარი ხარჯებით უზრუნველყოს ხელშეკრულების მოქმედებისას წარმოქმნილი ხარვეზების აღმოფხვრა, განისაზღვრება 2022 წლის 31 დეკემბრის (დაზუსტდება) ჩათვლით, სატენდერო დოკუმენტაციისა და მიმწოდებლის სატენდერო წინადადების შესაბამისად.

#### 10. ხელშეკრულებაში ცვლილების შეტანა და ხელშეკრულების შეწყვეტა

- 10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 10.2. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების პირობების გადასინჯვა ხდება საქართველოს კანონმდებლობით დადგენილი წესით. ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 10.4. ხელშეკრულების ერთ-ერთი მხარის მიერ პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

#### 11. დაუძლეველი ძალა

- 11.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.
- 11.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგშემთხვევაში, შესაბამისი მხარე არ განთავისუფლდება ნაკისრი ვალდებულებებისაგან;

- 11.3. მხარეთა პასუხისმგებლობა და ვალდებულებები განახლდება დაუძლეველი ძალის

მოქმედების დასრულებისთანავე.

## 12. დავები და მათი გადაწყვეტის წესი

- 12.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთ-შეთანხმებით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოში მოქმედი კანონმდებლობის შესაბამისად.

## 13. ხელშეკრულების მოქმედების ვადა

- 13.1. ხელშეკრულება ძალაში შედის ხელშეკრულების ხელმოწერის თარიღიდან და მოქმედებს 2022 წლის 31 დეკემბრის (დაზუსტდება) ჩათვლით.

## 14. დასკვნითი დებულებები

- 14.1. ხელშეკრულება შედგენილია ქართულ ენაზე და ხელმოწერილია „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მე-3 მუხლის მე-3 და მე-4 პუნქტების შესაბამისად.
- 14.2. ნებისმიერი ოფიციალური შეტყობინება მხარეთა შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს იგზავნება საფოსტო გზავნილის სახით;
- 14.3. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, თუ ამ თარიღიდან რომელი უფრო გვიან დგება.
- 14.4. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ;

## 15. მხარეთა რეკვიზიტები

შემსყიდველი

მიმწოდებელი

---

---

